



O'ZBEKISTON RESPUBLIKASI PREZIDENTINING QARORI

2020 yil «27» март

№ПҚ-4662

**Аҳолининг дори воситалари, тиббий буюмлар,
тиббий техника ва энг зарур товарларга бўлган эҳтиёжини
таъминлашга доир қўшимча чора-тадбирлар тўғрисида**

Ўзбекистон Республикаси Президентининг 2020 йил 19 мартағи “Коронавирус пандемияси ва глобал инқироз ҳолатларининг иқтисодиёт тармокларига салбий таъсирини юмшатиш бўйича биринчи навбатдаги чора-тадбирлар тўғрисида”ги ПФ-5969-сон Фармонига мувофиқ:

1. Коронавирус инфекцияси тарқалишига қарши кучайтирилган тартибнинг (кейинги ўринларда – Тартиб) амал қилиш даврида Ўзбекистон Республикаси Соғликни сақлаш вазирлиги ва Фармацевтика тармоғини ривожлантириш агентлиги томонидан тақдим этилган рўйхат бўйича божхона чегараси орқали ўtkазилаётган зарур дори воситалари, тиббий буюмлар, тиббий техника, уларни ишлаб чиқариш учун ишлатиладиган хом ашё, материаллар ва субстанцияларга нисбатан **божхона божлари ундирилмаслиги** маълумот учун қабул қилинсин.

2. Давлат солиқ қўмитаси, Давлат божхона қўмитаси ва Монополияга қарши курашиш қўмитаси томонидан дори воситалари, тиббий буюмлар, тиббий техника, уларни ишлаб чиқариш учун ишлатиладиган материаллар ва субстанциялар, энг зарур товарлар нархлари устидан кунлик мониторинг ўtkазишни таъминласин ҳамда уларнинг нархларини сунъий ошириш, сунъий танқислик ва юқори талабни вужудга келтиришга йўл қўймаслик устидан қатъий назорат ўрнатсин.

3. Тартиб амал қилиш даврида, истисно тарикасида, Ўзбекистон Республикаси Президентининг 2020 йил 29 январдаги Ф-5537-сон фармойишига асосан ташкил этилган Ўзбекистон Республикаси га коронавируснинг кириб келиши ва тарқалишининг олдини олиш юзасидан чора-тадбирлар дастурини тайёрлаш бўйича Республика маҳсус комиссиясига (кейинги ўринларда – **Республика комиссияси**):

Вазирлар Маҳкамасининг 2011 йил 25 февралдаги “Тайёр дори воситаларининг импортини тартибга солиш тўғрисида”ги 49-сон қарори билан тасдиқланган импорт қилишда қўшилган қиймат солиги бўйича имтиёз татбиқ этилмайдиган дори воситалари ва тиббий буюмлар рўйхатига кирадиган **айрим тайёр дори воситалари ва тиббий буюмларга уч ойгача бўлган муддатга қўшилган қиймат солиги бўйича имтиёз амал қилиши тўғрисида қарор қабул қилиш;**

айрим турдаги энг зарур товарлар рўйхатини шакллантириш ва уларни импорт қилишда уч **ойгача бўлган муддатга божхона божи ва акциз солиги ставкаларини 0 фоизгача камайтириш хукуқлари берилсин.**

4. Мазкур қарорнинг ижросини назорат қилиш Ўзбекистон Республикасининг Бош вазири А.Н.Арипов зиммасига юклансин.

Ўзбекистон Республикаси
Президенти



Ш. Мирзиёев

Тошкент шаҳри